




ხაშურის მთაშუა



№29 (60)

2 აგვისტო, სამშაბათი,

2016 წელი

“ქართულმა ოცნებამ” შიდა ქართლში მაჟორიტარობის კანდიდატები წარადგინა

„ქართული ოცნება-დემოკრატიული საქართველოს“ თავმჯდომარემ, პრემიერ-მინისტრმა გიორგი კვიციანიძემ მოსახლეობას შიდა ქართლის მაჟორიტარი დეპუტატობის კანდიდატები წარუდგინა. „ქართულ ოცნება-დემოკრატიულ საქართველოს“ ქალაქ გორში წარმოადგენს იოსებ მაკრახიძე, გორის რაიონში – თენგიზ ხუბულური, ხაშურში – ვალერი გელაშვილი, ქარელში – გიორგი თოთლაძე, კასპში კი – ირაკლი მეზურნიშვილი. საქართველოს პრემიერ-მინისტრმა სიტყვით გამოსვლა აგვისტოს ომის გახსენებით დაიწყო და

გვაქვს, 2017 წელს მთლიანად გადავჭრათ შიდა ქართლის დევნილთა საცხოვრებელი უზრუნველყოფის პრობლემა“ - განაცხადა მთავრობის მეთაურმა. პრემიერ-მინისტრმა მოსახლეობას მთავრობის მიერ 4 წლის განმავლობაში განხორციელებულ მნიშვნელოვან პროექტებზე მიაწოდა ინფორმაცია და აღნიშნა, რომ საგადასახადო რეფორმა და მეწარმეობის ხელშეწყობა, ეკონომიკაზე ორიენტირებული განათლება, გამართული ინფრასტრუქტურა და მმართველობის ეფექტიანი სისტემა - ეს არის ის, რაც დღეს ადამიანების ცხოვრებას



დაღუპული გმირების ხსოვნას პატივი მიაგო...ქედს ვიხრი ამ მხარის გმირების წინაშე, ქედს ვიხრი თითოეული თქვენგანის წინაშე, უპირველეს ყოვლისა, მინდა ჩემი პატივისცემა დაგიდასტუროთ და გითხრათ - დღეს რომ ქართლი და მთლიანად საქართველო ისევ ფეხზე დგას, თქვენი გამძლეობის, თქვენი თავდადებისა და სამშობლოს ერთგულების დამსახურებაა“, - ასე მიმართა საქართველოს პრემიერ-მინისტრმა გორში შეკრებილ მოსახლეობას. „სამწუხაროა, რომ ქართველებს 21-ე საუკუნეში ისევ მოგვიხდა სისხლისღვრა საკუთარი მიწისთვის, ბრძოლა სამშობლოსთვის და აქაც ქართლმა კიდევ ერთხელ საკუთარ თავზე მიიღო დარტყმა, კიდევ ერთხელ შეასრულა მისია, რომელიც მას ისტორიულად ყოველთვის აქონდა. დღეს კიდევ ერთხელ მინდა გავიხსენო აგვისტოს ომში დაღუპულები და კიდევ ერთხელ პატივი მივაგო მათ ხსოვნას. ქედს ვიხრით ყველანი მათი უკვდავი სულების წინაშე“ - განაცხადა საქართველოს პრემიერ მინისტრმა სიტყვით გამოსვლისას. მთავრობის მეთაურმა მშვიდობის მნიშვნელობაზე გაამახვილა ყურადღება და აღნიშნა, რომ ხელისუფლების მთავარი საზრუნავი ქვეყანაში ნებისმიერი საფრთხისა და პროვოკაციის თავიდან აცილება და მშვიდობის შენარჩუნებაა. „როდესაც „ქართული ოცნება“ პოლიტიკურ ბრძოლაში ერთვებოდა, ჩვენი მიზანი იყო გონივრული პოლიტიკის გატარება და ქვეყანაში მშვიდობის შენარჩუნება, ნებისმიერი საფრთხისა და პროვოკაციის თავიდან აცილება და ჩვენ ეს მოვახერხეთ. თუმცა, საფრთხე არ გამქრალა, დღესაც დიდი გამოწვევების წინაშე

მაქსიმალურად შეცვლის უკეთესობისაკენ. ჩვენ ყურადღებას და მზრუნველობას არ ვაკლებთ საზღვრისპირა სოფლებს, განვხორციელებთ ძალიან მნიშვნელოვანი პროექტები, რომლებიც, დარწმუნებული ვარ, შეუმსუბუქებს ცხოვრებას ჩვენს ხალხს, რომლებსაც მორალურადაც და ფიზიკურადაც ურთულეს პირობებში უწევთ ცხოვრება. მინდა მათ გუსურვო გამძლეობა და გუთხრა, რომ სახელმწიფო მათ გვერდზეა“- აღნიშნა მთავრობის მეთაურმა და აღვიღებოთ მოსახლეობას მიაწოდა ინფორმაცია საოკუპაციო ზოლთან არსებულ სოფლებში განხორციელებულ პროექტებთან დაკავშირებით. „საოკუპაციო ზოლთან არსებულ ყველა სოფელში, და ასეთია 56 სოფელი, უკვე დასრულდა გაზიფიცირება და დღეისათვის ყველა უზრუნველყოფილია გაზით. ასევე ყველა ეს სოფელი გამრიცხველიანებულია. 19 სოფელში მოეწყო წყალმომარაგების სისტემა, 2017 წლის ბოლომდე კი ყველა სოფელს ექნება წყალი. 17 სოფელში ავაშენეთ ახალი ამბულატორია. ჩვენ მაქსიმალურად ვუწყობთ ხელს და ვეხმარებით ამ ზონაში მცხოვრებ ახალგაზრდებს განათლების მიღებაში და ვაფინანსებთ სტუდენტების საბაკალავრო და სამაგისტრო სწავლის საფასურს. მინდა გითხრათ, რომ კიდევ უფრო მეტს გავაკეთებთ იმისთვის, რომ შევუმსუბუქოთ მორალური ტვირთი ამ სოფლების მოსახლეობას.“ - განაცხადა სიტყვით გამოსვლისას საქართველოს პრემიერ-მინისტრმა. „ქართული ოცნება- დემოკრატიული საქართველოს“ თავმჯდომარემ მომავალ საპარლამენტო არჩევნებში მოსახლეობის მხარდაჭერის იმედი გამოთქვა „ქართული ოცნება“ გაიმარჯვებს და გაიმარჯვებს, როგორც ერთადერთი ძალა, რომელსაც შეუძლია ერის კონსოლიდაცია, ქვეყნის სწრაფი განვითარება და ხალხისათვის კეთილდღეობის მოტანა“-განაცხადა გიორგი კვიციანიძემ. გორში შეკრებილ მოსახლეობას სიტყვით მიმართა ვიცე-პრემიერმა კახა კალაძემ. „ქართული ოცნება დემოკრატიული საქართველოს“ გენერალურმა მდივანმა იმედი გამოთქვა მომავალ საპარლამენტო არჩევნებში მათი მხარდაჭერის. „მე მჯერა, 8 ოქტომბერს გაიმარჯვებთ, ეს არ იქნება მხოლოდ „ქართული ოცნების“ გამარჯვება, ეს იქნება მთელი საქართველოს გამარჯვება. კახა კალაძემ სიტყვით გამოსვლისას 8 აგვისტოს ომში დაღუპული გმირები გაიხსენა და პატივი მიაგო მათ ხსოვნას. „რამდენიმე დღეში ისევ გავიხსენებთ 8 აგვისტოს. გორმა ბევრი სისხლი და ტკივილი ნახა და ამიერიდან ჩვენი მთავარი საზრუნავია მშვიდობა“ - განაცხადა ვიცე-პრემიერმა.



ვღვაპართ და დიდი ძალისხმევა გვჭირდება, რომ შევინარჩუნოთ ეს ძნელად მოპოვებული მშვიდობა. ქართველებს არც წარსულისა და არც მომავლის წინაშე უფლება არა გვაქვს ნაჩქარევად მივიღოთ გადაწყვეტილებები. ჩვენ არ უნდა გავიმეოროთ წარსულის შეცდომები. თუმცა, არასოდეს შევეგუებით ჩვენი ტერიტორიის, ჩვენი მიწა-წყლის ოკუპაციას და ყველა მშვიდობიანი ხერხით ვიბრძობებთ ჩვენი სამშობლოს გამთლიანებისთვის“-განაცხადა პრემიერმა. გიორგი კვიციანიძემ დევნილებს გამძლეობისთვის მადლობა გადაუხადა და აღნიშნა, რომ მთავრობა მათი საცხოვრებელი პირობების გაუმჯობესებისთვის ძალ-ღონეს არ იშურებს: „მინდა მივესალმო დევნილებს და მადლობა გუთხრა მათ გამძლეობისთვის. ჩვენი ხელისუფლება ყველაფერს აკეთებს, რომ მათ ცხოვრების უკეთესი პირობები შევუქმნათ. ჩვენ ძალიან ბევრ ოჯახს უკვე გადავეცით ბინა და დღეს ეს ხალხი საკუთარ ჭერქვეშ ცხოვრობს. დაგეგმილი



ხაშურის მუნიციპალიტეტის 2016 წლის ბიუჯეტის ექვსი თვის შესრულების ანგარიში

ხაშურის მუნიციპალიტეტის 2016 წლის ბიუჯეტი დამტკიცებულია მუნიციპალიტეტის საკრებულოს 2015 წლის 15 დეკემბრის №60 დადგენილებით. დამტკიცებული ბიუჯეტის მიხედვით 2016 წლის ბიუჯეტის მოცულობა განისაზღვრა 10 205,7 ათასი ლარის ოდენობით. მუნიციპალიტეტის ძირითად საბიუჯეტო ანგარიშზე, 2016 წლის 1 იანვრის მდგომარეობით, ნაშთის სახით ირიცხებოდა 3 509,5 ათასი ლარი, მათ შორის სახელმწიფო ბიუჯეტიდან გამოყოფილი სახსრებიდან - 1 150,1 ათასი ლარი.

2016 წლის ექვსი თვის განმავლობაში, დამტკიცებულ ბიუჯეტში განხორციელდა ცვლილებების შეტანა მუნიციპალიტეტის საკრებულოს დადგენილებების საფუძველზე, 2016 წლის 1 ივლისის მდგომარეობით, 2016 წლის ბიუჯეტის მოცულობა განისაზღვრა 18 745,5 ათასი ლარით, რაც 8 539,8 ათასი ლარით აღემატება თავდაპირველად დამტკიცებული ბიუჯეტის მაჩვენებელს. 2016 წლის ექვს თვეში შემოსულობების საკასო შესრულებამ 3 505,0 ათასი ლარი შეადგინა, რაც შესაბამისი პერიოდის გეგმის 100,1%-ს შეადგენს, ხოლო შემოსულობების გეგმის შესრულება ცალკეული სახეობების მიხედვით შემდეგნაირად გადაანაწილდა:

გადასახადების გეგმა შესრულდა - 95,5%-ით, მათ შორის: საშემოსავლო გადასახადი-68,7%, საწარმოთა ქონების გადასახადი - 140,4%-ით, სასოფლო სამეურნეო დანიშნულების მიწაზე ქონების გადასახადი - 20,8%-ით, არასასოფლო სამეურნეო დანიშნულების მიწაზე ქონების გადასახადი - 18,8%-ით.

სხვა შემოსავლების გეგმა შესრულდა - 104,3%-ით, მათ შორის: შემოსავალი პროცენტებიდან-119,6%-ით, მოსაკრებელი ბუნებრივი რესურსებით სარგებლობისათვის - 101,8%-ით, მოსაკრებელი მშენებლობის დაწყების ნებართვისათვის - 93,1%-ით, სათამაშო ბიზნესის მოსაკრებელი - 78,8%-ით, მოსაკრებელი დასახლებული ტერიტორიის დასუფთავებისათვის - 83,6%-ით, შემოსავალი ჯარიმებიდან და საურავებიდან - 111,1%-ით, შემოსავალი მიწის იჯარიდან - 183,6%-ით, შემოსავალი შენობა-ნაგებობების იჯარიდან - 101,7%-ით.

არაფინანსური აქტივების კლებიდან მიღებული შემოსავლების გეგმა შესრულდა - 105,0%-ით.

2016 წლის 1 ივლისის მდგომარეობით, შემოსულობების საერთო ოდენობაში სახელმწიფო ბიუჯეტიდან მიღებული სახსრების ხვედრითი წილი შეადგენს 45,7%-ს (2 943,0 ათასი ლარს), „საქართველოს 2016 წლის სახელმწიფო ბიუჯეტის შესახებ“ საქართველოს კანონის საფუძველზე, სახელმწიფო ბიუჯეტში გათანაბრებითი ტრანსფერის სახით გათვალისწინებულია 4 986,7 ათასი ლარი, ხოლო მიღებულია 2 078,0 ათასი ლარი, მიზნობრივი დანიშნულების ტრანსფერიდან დელეგირებული უფლებამოსილების განსახ-

ორცილებლად გათვალისწინებულია- 229,0 ათასი ლარი, მიღებულია - 114,6 ათასი ლარი.

„საქართველოს რეგიონებში განსახორციელებელი პროექტების ფონდიდან ადგილობრივი თვითმმართველი ერთეულებისათვის თანხის გამოყოფის შესახებ“ საქართველოს მთავრობის 2016 წლის 4 თებერვლის №175 განკარგულების საფუძველზე, ინფრასტრუქტურული პროექტების განსახორციელებლად, ხაშურის მუნიციპალიტეტს გამოეყო 3 172,3 ათასი ლარი. აქედან მიღებულია - 750,4 ათასი ლარი, ხოლო ათვისებულია 618,7 ათასი ლარი.

„სოფლის მხარდაჭერის პროგრამის ფარგლებში საქართველოს სახელმწიფო ბიუჯეტიდან ადგილობრივი თვითმმართველი ერთეულებისათვის თანხის გამოყოფის შესახებ“ საქართველოს მთავრობის 2016 წლის 19 თებერვლის 265 განკარგულების საფუძველზე მუნიციპალიტეტს გამოეყო 856,8 ათასი ლარი.

2016 წლის ექვსი თვის მონაცემებით, გადასახდელების საკასო შესრულებამ 7 015,0 ათასი ლარი შეადგინა, რაც შესაბამისი პერიოდის გეგმის 94,9%-ს შეადგენს, ფუნქციონალური კლასიფიკაციის მიხედვით, ექვსი თვის განმავლობაში, გასაწევი ხარჯებისა და არაფინანსური აქტივების გეგმის საკასო შესრულება გადაანაწილდა შემდეგნაირად: საერთო დანიშნულების სახელმწიფო მომსახურება - 89,9% (ხვედრითი წილი მთლიან ხარჯებში 15,7%), თავდაცვა - 78,8% (ხვედრითი წილი მთლიან ხარჯებში 0,8%), ეკონომიკური საქმიანობა - 95,9% (ხვედრითი წილი მთლიან ხარჯებში 20,0%), გარემოს დაცვა - 98,8% (ხვედრითი წილი მთლიან ხარჯებში 12,9%), საბინაო-კომუნალური მეურნეობა - 95,8% (ხვედრითი წილი მთლიან ხარჯებში 13,9%), ჯანმრთელობის დაცვა - 89,1% (ხვედრითი წილი მთლიან ხარჯებში 1,5%), დასვენება, კულტურა და რელიგია - 98,5% (ხვედრითი წილი მთლიან ხარჯებში 11,5%), განათლება - 99,2% (ხვედრითი წილი მთლიან ხარჯებში 11,5%), სოციალური დაცვა - 90,6% (ხვედრითი წილი მთლიან ხარჯებში 12,4%). მთლიან ხარჯებში ყველაზე მეტი ხვედრითი წილი - 20% ეკონომიკურ საქმიანობას უკავია.

ბიუჯეტის გადასახდელების გეგმა ეკონომიკური კლასიფიკაციის ჭრილში შემდეგნაირად შესრულდა: მუშა-მოსამსახურეთა შრომის ანაზღაურების ხარჯები - 92,8%-ით, სხვა საქონელი და მომსახურების ხარჯები - 85,8%-ით, სუბსიდიები - 98,1%-ით, სოციალური უზრუნველყოფის ხარჯები - 91,2%-ით, სხვა ხარჯები - 93,0%-ით, არაფინანსური აქტივების ზრდა - 96,8%-ით.

მუნიციპალიტეტის საკრებულოს 2015 წლის 15 დეკემბრის №60 დადგენილებით დამტკიცებული ბიუჯეტის მიხედვით, სარეზერვო ფონდის მოცულობა განისაზღვრა 30,0 ათასი ლარის ოდენობით. სარეზერვო ფონდის განკარგვა ხორციელდება მუნიციპალიტეტის გამგებლის მიერ გამოცემული სამართლებრივი აქტების საფუძველზე. 2016 წლის 1 ივლისის მდგომარეობით, სარეზერვო ფონდიდან თანხის გამოყოფა არ განხორციელებულა.

სახელმწიფოს ყველაზე დიდი ფულადი რესურსი ინფრასტრუქტურული პროექტების განხორციელებაზე იხარჯება, რადგან ათეულობით წლის წინ გაკეთებული და აშენებული, თავიდან შენებას თუარა, გვარიან რეაბილიტაციას მაინც საჭიროებს. სახმელი და სარწყავი წყლის სისტემები, საკანალიზაციო სისტემები, ნაპირსამაგრი საშუალებები ყველაზე დიდი და უპირველესი გამოწვევაა ქვეყნისათვის. არსებობს უამრავი კომპანია, რომლებიც სახელმწიფოს მიერ გამოცხადებული ტენდერის საშუალებით, აღნიშნული პროექტების შესრულების ვალდებულებას იღებენ.

გადასახდელებად, თან გვიხსნიდა განსხვავებას სამი კომპანიის ნახელავს შორის.

დავით კორკოტაძე (ადგილობრივი მაცხოვრებელი): ყოველი წყალდიდობის დროს სერიოზული

— მშენებლობა —

ხარისხით მოსახლეობა ემაყოფილია

პრობლემის და საშიშროების წინაშე ვიდრე მოსახლეობა. გაზაფხულზე და ხანგრძლივი წვიმების დროს ადიდებული მდინარე ტბორავდა საცხოვრებელ სახლებს. რამდენიმე კომპანიამ იმუშავა მანამდე და განსხვავება თვალსაჩინოა. პირველივე წვიმის დროს გამოეცალა საპირკველი კედელს და გადახეთქა. გარდა ამისა, ადიდებულ მდინარეს მოჰქონდა საყოფაცხოვრებო ნარჩენები, რომლებიც ხიდის ქვეშ გროვდებოდა, იჭედებოდა და წყლის დაგუბებას იწვევდა. ამ ახალმა კომპანიამ, არათუ ნაპირები გაამაგრა, ხიდიც გაწმინდა დაგროვილი ნარჩენებისგან.

გივი მჭედლიძე:

—სპეციალობით გვირახების მშენებელი ვარ, 35 წლიანი სამუშაო გამოცდილებით. 2006 წლიდან გადავწყვიტე ჩემი კომპანიის შექმნა, რომელიც სარგებელს არამხოლოდ ჩემს ოჯახს, არამედ ჩემს რაიონსაც მოუტანდა. ცხრამუხის ტერიტორიაზე ბეტონის ქარხანა მაქვს, ქვის სამტერევი საამქრო, ქვიშის სარეცხი, რკინის კონსტრუქციებსაც

ვაკეთებ. ძირითადად სანიაღვრე და საკანალიზაციო სისტემების მოწყობით სამუშაოებს ვახორციელებ. თითქმის დავასრულეთ მდინარე ბიჯნისულაზე ნაპირსამაგრი საშუალებები. სადაც ჩვენამდე ანალოგიური კომპანიები მუშაობდნენ, როგორც ქვეკონტრაქტორმა, ავიღე ვალდებულება, შემესრულებინა ეს სამუშაო, რომელიც სხვადასხვა სირთულეებთან იყო დაკავშირებული, რადგან მიუდგომელი ადგილი იყო და მოსახლეობამ გამოიჩინა კეთი-

ლი ნება, დაეთმოთ საკუთარი ეზოები სამუშაოების საწარმოებლად. განსაზღვრული იყო ვადა, 90 დღეში 270 გრძივი მეტრი ბეტონის კედლის, 46 მ. აქ და ბუღაურის დასახლებაში 22-25 მ-იანი გაბიონის მოწყობა უნდა მოგვესწრო. დაახლოებით 12 მუშახელი მყავს დასაქმებული, ორი ტრაქტორი, დიდი ექსკავატორი, სატვირთო მანქანები, რაც საშუალებას გვაძლევს დათქმულ ვადებში ჩვენ აბაროთ ობიექტი და ხარისხიც შესაბამისი იყოს, ამაში მოსახლეობაც დაგეთანხმებათ, რომ ჩვენი გაკეთებული ბეტონის კედლები ხარისხობრივადაც და სიმტკიცითაც ბევრად აღემატება ჩვენ წინ მომუშავე კომპანიების გაკეთებულს. ზედამხედველობის სამსახურში არსებობს ფორტომასადაც, თუ როგორი მეთოდით ვაკეთებთ ამ ყველაფერს, რა სიღრმეზე ჩავდივართ, რა მასალით და ა.შ. საუკეთესო ცემენტს ვიყენებთ, რაც უფრო მეტს ხდის კედელს, კალაპოტს ვჭრით და საპირკველს ვაკეთებთ. დარჩენილია 30 მ-იანი მონაკვეთი, სადაც ჩემი აზრით, უნდა გაკეთდეს ბეტონის კედელი, რადგან რთული მონაკვეთია, მთლიანი ღირებულება დაახლოებით 30 000 ლარია. ამჟამად ურთქმელი მუშაობას, რომელსაც ხაშურის მუნიციპალიტეტი ახორციელებს ტენდერში გამარჯვებულ კომპანიასთან ერთად.

თ. ჯავახიშვილი



ჩვენს მუნიციპალიტეტში, დაბა სურამში, მდინარე ბიჯნისულაზე მიმდინარე და თითქმის დასრულებული ნაპირსამაგრი საშუალებები დავათვალიერეთ, რომელსაც ინდო-აშშ-ის გივი მჭედლიძე ასრულებს. მანამდე აღნიშნულ საშუალებებს ორი კომპანია ახორციელებდა, რომელთა მშენებლობის ხარისხიც არ შეესაბამებოდა კონტრაქტის პირობებს და შეუწყდათ კონტრაქტი. დღეს განსხვავება თვალსაჩინოა ისეთი თვალისთვისაც კი, რომლისთვისაც უცნობია სამშენებლო საქმიანობის სპეციფიკა და ცოდნა. მოსახლეობა, რომელიც ათეულობით წელია ამ პრობლემის წინაშე დგას, მადლიერებას გამოხატავს ბატონი გივის კომპანიის მიმართ. სურამის ერთ-ერთი მკვიდრი, თვითონ მოვიდა მადლობის



„ხაშურის მოამბე“ არაერთი წარმატებული და მიზანდასახული მეწარმე გააცნო მკითხველს, ამჯერად კი, ბიზნესმენ შავლეგ მჭედლიძის საქმიანობისა და დაგეგმილი მეტად მნიშვნელოვანი წამოწყების შესახებ გიამბობთ. ბატონი შავლეგი აშენებს ფრინველის, ცხოველის, თევზის კომბინირებული საკვების დამამზადებელ საწარმოს, რომლის მშენებლობისთვისაც და ფუნქციონირებისთვისაც საჭირო თანხები სახელმწიფოს მიერ შემუშავებული პროექტის, „შეღავათიანი აგროკრედიტის“ ფარგლებში მობილიზდა. უფრო ვრცლად საშუალების მიმდინარეობასა და საწარმოს შექმნის სიკეთეებზე ინტერვიუდან შეიტყობთ.

ჩვენს მკითხველს აქვე შევხვდებით, რომ ზემოაღნიშნული პროექტი ინიცირებულია საქართველოს სოფლის მეურნეობის სამინისტროს მიერ და 2013 წლის 27 მარტიდან ახორციელებს სოფლის მეურნეობის პროექტების მართვის სააგენტო. პროექტის მიზანია ფერმერების და სოფლის მეურნე-



ბაში ჩართულ მეწარმეებს იაფი, გრძელვადიანი და ხელმისაწვდომი ფულადი სახსრებით უზრუნველყოფის გზით, სოფლის მეურნეობის პირველადი წარმოების, გადამამუშავებელი და შენახვა-რეალიზაციის საწარმოო პროცესების გაუმჯობესება.

- ბატონო შავლეგ, მოგვიყვით, საწარმოს მშენებლობა ამჟამად რა ეტაპზეა და როდის იგეგმება მისი სრულად ამუშავება?

- საწარმო, საერთო ჯამში, სამსართულიანი იქნება, ზომით, დაახლოებით, 22-12 მეტრზე. ამასთან, სარდაფი, რომელიც უკვე დასრულებულია, კეთდება 3 მეტრ სიღრმეზე. ფართი გათვლილია ასევე ადმინისტრაციისთვის და მანქანა-დანადგარებისთვისაც, სხვათაშორის, ეს დანადგარები შემოგვაქვს საზღვარგარეთიდან, რომლის შექმნა 40 ათას დოლარამდე ჯდება. ჩვენი საწარმო ხაშური-ბორჯომის მაგისტრალზე მდებარეობს, გზიდან გადასახვევია 200 მეტრში. უკვე გაყვანილია მისასვლელი გზა და ელექტროენერგიაც. წინასწარ გვაქვს გადახდილი საფასური და დაახლოებით ორ კვირაში ვიქნებით უზრუნველყოფილი ელექტროენერგიით. საწარმოს სრულ ამუშავებას ვგეგმავთ სექტემბრის 15 რიცხვისათვის.

- როგორც ვიცი, საწარმოს აშენებისთვის თანხა შეღავათიანი აგროკრედიტის ფარგლებში მიიღეთ..

- დიახ, ნამდვილად ასეა. ჩვენი წამოწყება იაფი აგროკრედიტით არის დაფინანსებული. სულ 90 000 დოლარი მივიღეთ სესხის სახით. რა თქმა უნდა, ჩვენი თანხებიც იხარჯება, გამომდინარე იქიდან, რომ მხოლოდ შენობის აშენებისთვის, დაახლოებით, 80 ათასი დოლარია საჭირო...

- რამდენი ადამიანია ამჟამად მშენებლობაზე დასაქმებული და რამდენი დასაქმდება მომავალში, როდესაც საწარმო ფუნქციონირებას დაიწყებს?

- ცხადია, დასაქმება ჩვენთვისაც პრიორიტეტულია. ამჟამად მშენებლობაზე 6 ადამიანია დასაქმებული. გამომდინარე იქიდან, რომ საწარმო უმაღლესი დონის მანქანა-დანადგარებით იქნება აღჭურვილი, მინიმალურად გამორიცხავს ხელით შრომას, ამიტომაც 6-7 ადამიანის დასაქმებას შევძლებთ. სამაგიეროდ, ნედლეულს შევისყიდით ადგილობრივი მოსახლეობისაგან სიმინდის, პურის მარცვლის და ქერის სახით.

- როდესაც ასეთი ფართო მასშტაბების საწარმოს აშენებას გეგმავთ, ცხადია, ყველა სტანდარტი დაცული იქნება...

- ჩვენი საწარმო აუცილებლად უზრუნველყოფს ევროპული სტანდარტების დანერგვასა და მომხმარებლისთვის უმაღლესი ხარისხის პროდუქციის

მიწოდებას. ჩვენი უმთავრესი დანიშნულება იქნება საშუალო და მცირე ზომის ფერმერების ცხოველთა და ფრინველთა უმაღლესი ხარისხის საკვებით, საკვები დანამატებითა და კვების თანამედროვე მეთოდებით უზრუნველყოფა. მომხმარებლისთვის ხარისხიანი პროდუქციის შეთავაზება ჩვენი უპირველესი ამოცანა გახდება, ყველა ჩვენი პროდუქტი,

ხაშურში კომბინირებული საკვების დამამზადებელი საწარმო შენდება

უსათუოდ გაივლის ხარისხისა და ქიმიური შემადგენლობის მკაცრ კონტროლს, რაც გარანტიაა იმი-სა, რომ არ ჩამოვრჩეთ ევროპულ სტანდარტებს და დავაკმაყოფილოთ ჩვენი მუნიციპალიტეტის ფერმების მოთხოვნები ცხოველთა და ფრინველთა კვების სფეროში. ვფიქრობ, ამით ფერმერული მეურნეობაც განვითარდება ხარისხიანი პროდუქციის, თანამედროვე ცოდნის მიწოდების და კვალიფიციური კონსულტაციების საშუალებით.

- რამდენად შეღავათიან ფასებში გაყიდით კომბინირებულ საკვებს?

- ჩვენი წინასწარი გამოთვლებით, კომბინირებული საკვები ფასი არ უნდა ასცდეს 75 თეთრს. ფასები დამოკიდებული იქნება ნედლეულის შესასყიდ ფასებზე. მას დაემატება მიკროქიმიური და ბიოლოგიური ნივთიერებები შემადგენლობაში, მარილი, რომელიც აუცილებელია ცხოველისათვის. აქვე აღვნიშნავ დანადგარების წარმადობასაც, რომელიც შემდგენელია: საათში უშვებს 2,5-3 ტონა საკვებს. განსაზღვრული გვაქვს ადგილობრივი ბაზრის 20-30 % ათვისება. ზოგადად, ადგილობრივი მოსახლეობა კომბინირებულ საკვებს ნაკლებად იყენებს, სარგებლობენ, უმეტესად ქერით, რომელიც პურის პქვილის ანაცერია და არ აქვს ის ენერგეტიკული ღირებულება. ამ კომბინირებული საკვების უპირატესობა ის გახლავთ, რომ ერთ საკვებში მოთავსებულია ვიტამინებისა და სასარგებლო ნივთიერებების დიდ რაოდენობა, რომელიც პირდაპირ, ასევე ფრინველიც, საშუალება გვაქვს ასევე, რომ მოსახლეობისგან შეკვეთები მივიღოთ, რათა ერთმანეთში გადაავსოთ მათთვის სასურველი ნედლეული. შემდგომ ეტაპზე ქვეყნის მასშტაბებზეც გავალთ.

- ძირითადად, რომელ ნედლეულს შეისყიდით მოსახლეობისაგან?

- მიუხედავად იმისა, რომ პურეულ მარცვლებს მიეკუთვნება მცენარეთა დიდი ნაწილი, წარმოებაში განსაკუთრებით ფართოდ გამოიყენებთ და მოსახლეობისგანაც ძირითადად შევისყიდით - სიმინდს, ქერს და ხორბალს. ამ საქმის წამოწყებასთან ერთად, კარგად გავერკვივ მცირე დეტალებშიც და გეტყვით, რომ პურეული მარცვლის ღირსებას განაპირობებს სხვადასხვა ვიტამინების, არსებობა, მაგრამ ცალკეული საკვები თითქმის არასოდეს შეიცავს ცხოველის საზრდოობისათვის აუცილებელ ყველა ელემენტს, ამიტომ ცალ-ცალკე თითოეული მათგანი არასრულფასოვანია. ამ საკვებთან სხვადასხვა კომბინაციათა შეფარდება და შერევა კი სრულფასოვან კომბინირებულ საკვებს მოგვცემს. ამასთან, ჩვენი კომბინირებული საკვები დააკმაყოფილებს ზოორქე-ქნიკურ, სანიტარულ, პიგიენურ პირობებს. ის უნდა იყოს ერთგვაროვანი გარეგანი შეხედულებით, მას არ უნდა ჰქონდეს ობის, ან სხვა უსიამოვნო სუნი.

- ცხოველებისა და ფრინველების კომბინირებულ საკვების დამზადებას საფუძვლიანი ცოდნა სჭირდება, საჭირო ინება ნედლეულისა და საჭირო ნივთიერებების ზუსტი კონცენტრაცია..

- რა თქმა უნდა, განსაკუთრებულ სპეციფიკასა და ცოდნას მოითხოვს, კომბინირებული საკვების რეცეპტის შედგენა უმნიშვნელოვანესი დონისიქებაა ცხოველისა და ფრინველის კვების საქმეში.

იგი უდიდეს გავლენას ახდენს ასევე ცხოველის პროდუქტიულობის უნარზე. კომბინირებული საკვების რეცეპტის შედგენისას უნდა გაითვალისწინოთ შემდეგი: საკვებნარევეს სრულად უნდა დააკმაყოფილოს მოცემული სახეობის, ასაკის, თუ პროდუქტიული მიმართულების ცხოველის მოთხოვნილება საზრდო ნივთიერებებზე, საკვებნარევეში

ცალკეული საკვები ისეთი რაოდენობით უნდა შედიოდეს, რომ მაკვებელი არ იყოს ცხოველის ორგანიზმისათვის ამიტომ უნდა ვიცოდეთ მათი ჩართვის ზღვრული ნორმები, კომბინირებული საკვების რეცეპტი უნდა შედგებოდეს რეალურად არსებული საკვები საშუალებებისაგან. სავარაუდოდ, ჩვენც, კომბინირებული საკვების მეცნიერულად დასაბუთებული რეცეპტით დავამზადებთ ამა თუ იმ სახეობის ან ასაკობრივი ჯგუფის ცხოველისათვის, საზრდო ნივთიერებათა ეფექტიანად გამოყენების მიზნით. გაითვალისწინებთ ასევე საკვებნარევის ფასსაც - ამაზე ბევრადაა დამოკიდებული წარმოებული პროდუქციის თვითღირებულება.

- რა ძირითადი განსხვავებებია სხვადასხვა ცხოველის კომბინირებულ საკვებს შორის?

- აქვე ყურადღებას გავამახვილებ იმ სამ ძირითად ნედლეულზე, რომლის გამოყენებასაც ვგეგმავთ ჩვენს საწარმოში. მაგალითად, სიმინდს აქვს კარგი საგემოვნო თვისებები და ჭამადობა. ცხოველები სიამოვნებით ჭამენ, მაგრამ ღარიბია პროტეინით. სხვა პურეულისაგან განსხვავებით, სიმინდი ღარიბია ზოგიერთი ჯგუფის ვიტამინებით. ამიტომ აუცილებელია ჩაირთოს კომბინირებულ საკვებში სხვა საკვების ინგრედიენტები. ქერის ფქვილს იყენებენ ყველა კომბინირებულ საკვებში, მაგრამ ყველაზე მეტად ღორისათვის. ქერით გასუქებული ღორის ხორცი მაღალი ხარისხისაა. რაც შეეხება ხორბალს - კომბინირებული საკვების წარმოებისათვის სრულად დამაკმაყოფილებელი ინგრედიენტია. პურეულის სხვა მარცვლოვნებისაგან განსხვავებით, ხორბალი გამოირჩევა ცილის მაღალი შემცველობით, მასაც გააჩნია კარგი საგემოვნო თვისებები. რაც შეეხება განსხვავებას სხვადასხვა ცხოველის კომბინირებულ საკვებს შორის, შემდეგია: მაგალითად, ღორი ყველაფრის მჭამელი ცხოველია. ამიტომ ის უფრო მომთხოვნია საკვების ამინომოკავურ შემადგენლობასა და გარკვეული ჯგუფის ვიტამინების უზრუნველყოფაზე. ძროხის კვების ნორმები დამუშავებულია ასაკის, ცოცხალი მასის, პროდუქტიულობის დონის და ცხოველის ფიზიოლოგიური მდგომარეობის მიხედვით. ახალ ნორმებში შეტანილია ისე-



თი მანქანებლები, როგორცაა მიმოცვლის ენერგია, მშრალი ნივთიერება, ნედლი პროტეინი, და მთელი რიგი სასარგებლო ნივთიერებები და ვიტამინები. ფრინველისათვის გამოყენებული საკვები უნდა შეიცავდეს ყველა აუცილებელ კომპონენტს, უნდა იყოს სრულფასოვანი, აკმაყოფილებდეს ფრინველის ბიოლოგიურ მოთხოვნილებებს და ხელს უწყობდეს გენეტიკური პოტენციალის სრულად გამოვლენას. ფრინველისათვის გამოყენებულ უნდა იყოს ყვითელი სიმინდი, რომელიც ენერჯის კარგი წყაროა. ბატონი შავლეგის ნათქვამს ჩვენ იმასდა დავამატებთ, რომ ეს საწარმო მართლაც კარგი წინაპირობა იქნება ჩვენს მუნიციპალიტეტში მეცხოველეობისა და მეფრინველეობის დარგების აღორძინებისა და მომავალი წინსვლისთვის.

დედაშვილობაზე ბევრი თქმულა და დაწერი-
ლა. დედაშვილობის მადლით ცხებულის არაერთი
ამბის გამოსხმობა შეიძლება წარსულიდან, ნამდ-
ვილიცა და ლეგენდის სამოსში გახვეულიც.

მამაშვილობაზე კი, სამწუხაროდ, ცოტას საუ-
ბრობენ, თუ არადა, მამაშვილობის მაგალითებიც
იცის ისტორიაში.

დიდი ქართველი მწერალი ლევან გოთუა
მამაშვილობის საოცარ ამბავს გადმოგვცემს თა-
ვის ერთ-ერთ საუკეთესო მოთხრობაში „უგზო
ქარავანი“, მაგრამ, ალბათ, ბევრმა არ
იცის, რომ ამ მოთხრობას ისტორიული
ამბავი უდევს საფუძვლად, მხოლოდ
მწერლის მიერ ხორცშესხმული და გააზრებული.
მოთხრობის გმირები გამოგონილია, მწერალს ასე
სურდა და საყვედურს ვერ შეჰკადრებ, რატომ
მაინცდამაინც ისტორიულ ფაქტებს ზედმიწევნით
ზუსტად არ გადმოცემს... მწერლისათვის მთა-
ვარი იყო, ეხვეწებინა მამაშვილობის საოცარი

გენლობაში და მასთან ერთად იღვწის ქვეყნის
კეთილდღეობისათვის, მასთან ერთად იზიარებს
წარმატებით გამოწვეულ სიხარულსა თუ მარცხ-
ით გამოწვეულ ტკივილს. გორგასალ ჩხეიძემ
დიდ მოურავთან ერთად გაიზიარა მისი ხვედრი,
სამშობლოსაგან შორს, ჯალათის მიერ გამოტანი-
ლი განაჩენის სიმძიმეც.

ქართლის ცხოვრების ავტორები საინტერესოდ
მოგვითხრობენ დიდი მოურავისა და მისი სიძის
უკანასკნელ დღეებზე. საყურადღებო აქ ის არის,
რომ დიდი მოურავის გვერდით არამარტო მისი

მამაშვილობა

სიძე გორგასალ ჩხეიძეა, არამედ მისი შვილიშ-
ვილიც, გორგასალის ვაჟი - ბეჟან ჩხეიძე.

1626 წელს ბაზალეთთან დამარცხების შემდეგ, გი-
ორგი სააკაძე იძულებულია, თავისი თანამოაზრე-
ებით ოსმალეთში წავიდეს.

ბერი ეგნატაშვილი დიდი მოურავის ოსმალეთში
მოღვაწეობისა და მისი უკანასკნელი
დღეების შესახებ შემდეგს მოგვითხ-
რობს: "და უყო მოურავს ხოთქარმამ
წყალობა და მისცა სანჯახები და
დააყენა მოურავმან ცოლი და შვილი
მისი იორამ მუნ სანჯახშია. ხოლო
მოურავმან გმო სჯული თვისი და
იქმნა მაჰმადიან და სთხოვა და ჯარი
ხონთქარსა და დააპირა, რომ წავალ
და დაეჭერ ქართლსაო და სულ გა-
ვათათრებო და დაგამონებ ყმათაო.
ხონთქარი მაშინ ყენის გარიგე-
ბული იყო და უთხრა ხონთქარმან:
ერთი ქუეყანა მაქუსო გამდგარიო და
იმაზედ გაგაყენებო და თუ იმაზედ
გავემარჯვება და დაიჭერო, მასუკან
მაგასაც გაგირიგებო. გაგზავნა და
გაატანა აზამ ვეზირი თანა დიდის
ჯართა. რა მივიდნენ, მუნცა დიად
კარგად იყო მოურავი: შეება და
გაიმარჯვა.

აზამ ვეზირს ხონთქარის და ჰყუან-
და ცოლად. და, რა ესე ამბავი მიუვი-
და ხონთქარსა, იმა დიდათ და დიდი
სახელი და ხმა დაუვარდა მოურავსა.
მაშინ იწყინა ხონთქარის დამა, რომე-
ლი ედგა ვეზირსა, და მისწერა წიგნი:

"როგორი საქმე არის და, ან როგორ გეკადრებო,
სულ მოურავის სახელი მოდის და შენი არაო".
მაშინ უდალატა ვეზირმან: და დაჰპატიჟა და და-
ლატით მოკლა მოურავიცა და შვილებიცა და
გამგებელი ქაიხოსრო და, რაცა ჰყუანდა, ყოველივე
ამოუწყვიტა. ერთი შვილი ახლდა თანა ავთანდილ,
მოუკლეს იგიცა. მაშინ თან ახლდა გორგასალ და
შვილი მისი ბეჟან და წააყენეს ბეჟან სასიკუდი-
ლოდ. მაშინ შეეხვეწა და ქრთამი მისცა იასაულს,
რომ მაგ ჩემ შვილს კი ნუ მოკლავ და მე მოჰკა-
ლიო, ჩემი თავი ანგარიშში გაგეთვლებო და მა-
გას ნუ მომიკლავო. მაშინ ისმინა მტარვალმან და
არდარამოუკლა შვილი, თვით გორგასალ
მოკლა: თავი მოსტრა, მიიტანა და ანგა-
რიშში გააროინა. ბეჟან მორჩა წარმოვი-
და" (ბერი ეგნატაშვილი, ახალი ქართლის
ცხოვრება, გვ. 161-163).

თითქმის იგივეს მოგვითხრობს
ვახუშტი ბატონიშვილიც მოურავის
უკანასკნელი დღეებზე:

„ხოლო ქაიხოსრო და მოურავი წარ-
ვიდნენ სტამბოლს წინაშე ხონთქრი-
სა. მისგან მოითხოვეს სპანი, რათა
დაუპყრან ქართლი და მუნცა მაჰმა-
დიან იქმნა მოურავი. მაშინ ზავი იყო
ხონთქარსა და ყენსა შორის და არა
ინება ხონთქარმან. არამედ წარავლინა
ქაიხოსრო და მოურავი სხუასა ქუეყ-
ანასა ბრძოლად და, უკეთუ დაიპყრან
იგი, შემდგომად წარავლინოს ქართლს
სპითა დიდითა. მისრულთა ვეზირ-აზა-
მისა თანა ქაიხოსრომ და მოურავმან
ქუეყანასა მას დიდნი სახელნი ქმნა
მოურავმან და დაიპყრა ქუეყანა
იგი, და ესე აუწყეს ხონთქარსა. არ-
ამედ ცოლი ვეზირ-აზამისა იყო დაი
ხონთქრისა, ამან მჰმუნვარემან მიუწერ
ქმარსა, თვისსა: "რაი არს ესე, რომელ

განდიდნა სახელი მოურავისა და არა რაი ისმის
სახსენებელი შენი. ამისთვის უმჯობეს არს სი-
კუდილი შენი ყოფასა შენსა".

განრისხნა ვეზირ-აზამი, შეიპყრა ქაიხოსრო,
მოურავი და ყოველნი ქართველნი მათ-თანანი და
წარკუეთნა ყოველთა თავნი. არამედ გორგასალს
შვილს ბეჟანს რა ჰყუეთდენ თავსა, ეტყოდა
მამა მისი მტარვალსა მას ნიჭის მიცემითა: "მე
მომკუეთე თავი და განუტყვე ძე ჩემი". რამეთუ
იგი განტყვევებულ იყო ნიჭის მისთვის, განუტყვე
ბეჟან და წარკუეთა თავი გორგასალს." (ვახუშტი
ბატონიშვილი, აღწერა სამეფოსა საქა-
რთველისა, გვ. 435-436).

როგორც დავინახეთ, არცერთი მემ-
ტიანე, არც ბერი ეგნატაშვილი და არც ვახუშ-
ტი ბატონიშვილი, მამა-შვილის - გორგასალისა
და ბეჟანის გვარს არ ასახელებენ, არც დიდი
მოურავთან მათ ნათესაურ კავშირზე საუბრობენ.
ამ საკითხის გარკვევა მხოლოდ ზოგიერთი მათი
თანადროული თუ შემდგომი პერიოდის ისტორი-
ული დოკუმენტის გაცნობის შემდეგ ხდება შეს-
აძლებელი. ეს დოკუმენტები ჩვენს სიძველეთ სა-
ცავებშია დაცული.

საოცარი დრამატიზმით გამოირჩევა დიდი
მოურავის ცხოვრების უკანასკნელი დღეები, რო-
მელსაც უფრო მეტად ამბავებს მისი სიძისა
და შვილიშვილის თავს დატრიალებული ამბავი.
ეს უფრო ტრაგიზმით აღსავსე წუთები იყო მა-
მა-შვილის ცხოვრებაში, რომელსაც გორგასალ
ჩხეიძის მხრიდან მოჰყვა ნაბიჯი, რომელიც არ იყო
მხოლოდ ემოციების შედეგად მიღებული გად-
აწყვეტილება. ეს იყო გააზრებული, თავისი შედე-
გით წინასწარ გაცნობიერებული გადაწყვეტილე-
ბა, რომელიც თაობების ხსოვნაში დარჩა, როგორც
მამაშვილობის დიდი მაგალითი.

გორგასალ ჩხეიძე, როგორც ზემოთ მოხმობილი
ბერი ეგნატაშვილისა და ვახუშტი ბატონიშვილის
ცნობებიდან ირკვევა, შემთხვევით ასცდა დაპატიმ-
რებას, მაგრამ დაპატიმრებულთა შორის აღმოჩნდა
მისი ვაჟი - ბეჟან ჩხეიძე. ჯალათს ტყვე-
ბი თვლით ჩაუბარებია და, შესაბამისად, მათი
მოკვეთილი თავებიც თვლით უნდა ჩაუბარებინა
ვეზირ აზამისათვის. ალბათ, გორგასალს შეეძლო,
შექმნილი ვითარებიდან გამომდინარე, სასწრა-
ფოდ გაცლოდა იქაურობას და თავი გადაერჩინა.
მაგრამ მან უმაგალითო გმირობა და თავგანწირვა
გამოიჩინა - თავისი თავი შესთავაზა ჯალათს
შვილის გათავისუფლების სანაცვლოდ - „მაგ
ჩემ შვილს კი ნუ მოკლავ და მე მოჰკალიო, ჩემი
თავი ანგარიშში გაგეთვლებო" და დიდი მოურა-
ვისა და სხვა დატყვევებული ქართველების ბედი
გაიზიარა.

ამრიგად, დიდი მოურავის ამლიდან მხოლოდ
ბეჟან ჩხეიძე გადაურჩა სიკვდილს და XVII საუკუ-
ნის 30-წლების დასაწყისში უკან, საქართველოში
- იტრიაში დაბრუნდა და აქ, მამაშვილობის იშ-
ვიათი მადლით ცხებულის აგრძელებდა ქვეყნი-
სათვის საჭირო და აუცილებელ მოღვაწეობას.
თამაზ ლაცაბიძე




გიორგი სააკაძე

მაგალითი და მან ეს უბრწყინვალესად შეძ-
ლო...

მაშ რა უდევს საფუძვლად დიდი მწერლის
ამ უმშვენიერეს მოთხრობას? საისტორიო
წყაროებით დასტურდება იტრიელი ჩხეიძე-
ბის ნათესაობა ქართლის დიდ ფეოდალურ
გვართან - სააკაძეებთან. გიორგი სააკაძის სიძე
იყო გორგასალ ჩხეიძე - იტრიელი ჩხეიძეების
სახლის ერთ-ერთი ფუძემდებელი.

ცნობილია, რომ გიორგი სააკაძე აქტიურად
იბრძოდა ქვეყნის ერთიანობისათვის, ცენტრალი-
ზებული ხელისუფლების გამტკიცებისათვის, თავ-
გასული და ურჩი თავადების ასალაგმად. ირკვევა,
რომ გორგასალ ჩხეიძე გიორგი სააკაძის ერთგუ-
ლი თანამებრძოლია, იგი შედის დიდი მოურავის
თანამოაზრეთა, ე.წ. "მოკიდებულ კაცთა" შემად-



ჩხეიძეების საგვარეულო გერბი



ჩხეიძეების საგვარეულო ხატი

მიშას აშენებული ხაშური - პოტიომკინის სოფელი კუბში

აფიორების ისტორია შორეული ბიბლიური ეპოქიდან იწყება, როდესაც გველმა ისე დაუნუგებარა ჩვეულებრივი ვაშლი ადამს და ევას, ისე „შეახვია“ ეს ორი უცოდველი არსება, იმდენი უჩინონა ვაშლის სიკეთეზე და მისი მიღების აუცილებლობაზე, იმდენად დააჯერა თავისი სიტყვის სრულ ჭეშმარიტებაში, რომ მიგვევათ, ერთს კი არა, მთელი ვაშლის ბაღს გადაკრეფდნენ. ამის შემდეგ, ბიბლიური მაგალითი



აზიებებიც, როდესაც კორუფცია „მოსპეს“ და სინამდვილეში მისი პრივატიზება მოახდინეს... მოკლედ, ეს „როდესაც“ დაუსრულებლად შეიძლება გაგრძელდეს. დღეს ერთი ისტორია უნდა გაგახსენოთ, რომელიც ნაცბანდის აფიორების ბრილიანტის ბუტკედში მართლაც უღამაზე სი ბადახშივით ბრჭყვიალებს. მაშ, ასე: 2008 წელი. საქართველოს პრეზიდენტი, დიდი მიხეილ პირველი, ხაშურს სტუმრობს და ყოფილი გრანიტის ფილების ქარხნის ტერიტორიაზე ზემდღავრი შუშის ქარხნის აშენებას აანონსებს. მას ახვედრებენ მოსუფთავებულ ტერიტორიას, გაჭრილ ბაღავარს, რა თქმა უნდა, ასეულობით ტაშის დამკვერელს და ჰერი, ბიჭმაც მოალო პირი: 700 დასაქმებული ხაშურელი, 100 მილიონი ბოთლი წელიწადში, მთლიანად შეცვლილი ინფრასტრუქტურა, მოასფალტებული გზები, დასაქმებული ხალხისთვის აშენებული საცხოვრებელი კორპუსები და, რაც მთავარია, გარანტირებული 1000 ლარიანი მინიმალური ხელფასები. სიმართლე გითხრათ, ოდნავ კი გამკრა მაშინ ეჭვმა გულში, რადგან ყოფილი შუშის ქარხანა იქვე იყო და მის აღდგენაზე იმის მეოთხედიც არ დაიხარჯებოდა, რაც ახალი ქარხნის აგებას ჭირდებოდა, მაგრამ როგორ არ ენდობოდი ქვეყნის პრეზიდენტს? მეც, მთელ ხაშურთან ერთად, ვუტყაპუნებდი ტაშს და ხბოს აღტაცებით ხაშურის ნათელ მომავალზე ვფიქრობდი. ნეტარ არიან მორწმუნენი! მიშიკო დაგვემშვიდობა, თავის ღიმილში დურთა თავი და, დღეს ვხვდები, ალბათ „ვაი, თქვენს პატრონსო“... ჩაილაპარაკა.

იმდენად გადამდები აღმოჩნდა, რომ სულ აიშვეს ადამიანებმა. გველს, მაშაძაღლს, ოხერს და თახსირს რა დაღვეს ადამის მოდგმაში და კაცობრიობის ისტორიის მანძილზე იმდენი აფიორა გათამაშდა, მძღავრი კალკულატორიც არ ეყოფა იმის დათვლას.

საერთოდ „აფერა“ ფრანგული ენიდან მოდის და სიტყვა-სიტყვით საქმეს ნიშნავს. ასეთი „საქმეების“ დიდოსტატები ბევრი იცის ჩვენმა წარსულმა. ბაღთაზარ კოსა, კახანოვა, პოტიომკინი, ჰეივი, (ეს ისაა, სამჯერ რომ გაყიდა ეოფელის კოშკი) და სხვა ათასი რჯულის შარღატანი, რომელთაგან ბევრი შემდეგ ლიტერატურულ გამორებადაც იქცნენ და ოსტაპ ბენდერებად თუ კვაჭი კვაჭანტირაძეებად გარდაიქმნენ. დიას, აფერისტები არასოდეს აკლდა მსოფლიოს, მაგრამ მართლაც იშვიათია შემთხვევა, როდესაც აფიორა სახელმწიფო საქმედ იქცევა და მასში ქვეყნის მთავრობაა ჩაბმული. ამ იშვიათობის „ბედნიერება“ კი სწორედ ქართველებს დაგვატყდა თავს, როდესაც 300 ათასი კაცის ციხეში გამომწვევდები პრეზიდენტი დემოკრატიის შექმრად იქცა ევროპისა თუ ამერიკელების თვალში, როდესაც ბათუმი ბარსელონად ვაქციეთ, როდესაც შუა ჭაობებში მსოფლიოში ყველაზე დიდი პორტი და მილიონიანი ქალაქი ლახიკა წამოვჭიმეთ, როდესაც მტერმა ერთი მეოთხედი ტერიტორია ჩამოგვაჭრა და ხალხს გამარჯვება

...გაყიდა ორი წელი. როგორც ჩუქჩას არასოდეს არ მოენატრება ანანასი (არ უნახავს და იმიტომ), ისე იმ ადგილზე, ამ ხნის განმავლობაში, კაცი აღარ გამოჩენილა.

2010 წელი. მისმა აღმატებულებამ კვლავ ინება ხაშურში სტუმრობა. საოცარია და ისევე ის ადგილი აირჩია. იგივე ოვაციები, ყურნალისტების არმია, დროშების ფრიალი და მიშამაც ისევე იგივე შეუბერა: აქ რომ ქარხანა იქნება, მსგავს ყოფილ საბჭოთა სივრცეში არსად ყოფილა... ძველ სიმღერას კი ახალი დაუმატა: დღესვე დავწერ

ბრძანებას და არავითარი მსხვილი გადამხდლების პრინციპი, ქარხნის მთელი გადასახადები რაიონის ბიუჯეტში დარჩებაო (ამ ადგილას მხურვალე ტაში, მქუხარეში გადაიზარდა).

2012 წელი. არჩევნებამდე ორიოდ კვირა რჩება. მიშიკო კვლავ ხაშურშია. თეთრი მაისურიც აცვია წარწერით – „მე მიყვარს ჩემი ხაშური“ (ისე მაგ ნარცისს რა ვუთხარი, რომ თავის თავის და ძალაუფლების გარდა, არაფერი უყვარს), და ჰოი, საოცრება! მიშა კვლავ იმ ადგილზეა. ალბათ მიხვდა, ძველი სიმღერა ნაკლებად გაჭრიდა ხალხზე და ახლებური ინტერპრეტაცია ლეწა: რაიო, მშენებლობა არ დაწყებულაო? ეს რა მესმისო? ეს რა გავიგეო... ხვალეო, აქ, სულ მინიმუმ, ხუთასი მშენებელი მაინც იყოს და ექვს თვეში ქარხანა ჩამაბარეთო... მესამედ გახსნა ქარხანა, კაცოო!.. პირდაპირ ჰაერში გახსნა. არ არის ახლა ეს აფიორის მწვერვალი?

ოთხი წელი გაყიდა ქარხნის ბოლო გახსნიდან. ორიოდ დღის წინ მისმა ტელევიზიამ მორიგი ჩართვა განახორციელა მბრძანებელთან. მიშაც ჩვეულ ფორმაშია და ორ თვეში მოვალთ, ისევე ჩვენ მოვექცევით ქვეყნის სათავეში და მერე ნახეთ თქვენ საქართველოს აღორძინებაო... აი, აქ კი დარწმუნებული ვარ, ხაშურლების აბსოლუტური უმრავლესობა, ვინც ამ სიტყვებს მოუსმინა, იმას გაიმეორებდა, რაც მიშამ იმ პირველ შეხვედრისას



ხაშურლებს უძღვნა: ვაი, შენს პატრონს, მიშიკო! თუმცა, რა, მაინც ქართველები ვართ და სტუმარ-მასპინძლობის წესი არ უნდა შეგვეშალოს. ჩამოდი, ჩამოდი, ჩვენო მზე და მთვარე, ჩამოდი და ბროლოსნის სახელგანთქმულ „პინოს“ მოგართმევთ იმ ბოთლებით, შენმა აშენებულმა შუშის ქარხანამ რომ გამოუშვა.

გ. გოგოლაძე

სასწრაფო რეაგირებასა სჯირო

ტყის მახლობლად მცხოვრები მოსახლეობა გარკვეულწილად, ყოველთვის დგას საშიშროების წინაშე, რომელსაც შიმშილისაგან შეწუხებული მტაცებელი ცხოველები ქმნიან. სურამში, ბაიანთხევის უბნის მკვიდრი, მუხრან ჩხეიძე, იმ რამდენიმე შემთხვევაზე ჰყვება, რომელიც მეორე წელია საფრთხეს უქმნის იქ მაცხოვრებელ მოსახლეობას და სეზონურ დამსვენებლებს. ტყიდან ჩამოსულმა მგელმა რამდენიმე თხა, ძროხა და კვიცი შეჭამა. როგორც მუხრანი ამბობს, განცხადებით მიმართა ადგილობრივ პოლიციის სამმართველოს, თანდართული ფოტომასალებით, რომელიც თავდასხმის ფაქტებს ადასტურებს. დღემდე რეაგირების გარეშე რჩება მისი განცხადება, რომელიც დაუყოვნებლივ ზომების მიღებას საჭიროებს:

მუხრან ჩხეიძე (ბაიანთხევის მცხოვრები):
—ჯერ კიდევ გასულ წელს, რამდენჯერმე იყო შემთხვევა, როდესაც ტყიდან ჩამოსულმა მგელმა მეზობლის თხა და ძროხა წელს კი კვიცი შემიჭამა, რითაც სეზონურად გარკვეული შემოსავლის მიღებას ვაპირებდი, რამდენიმე დღის წინ ცხენიც დამიგლიჯა. მგელი მოსახლეობაში ჩამოდის და იქ ესხმის თავს პირუტყვს. ადრე პიონერთა ბანაკი იყო, იქ ვაბამ ცხენებს, ტურა, მგელი, უპატრონო ძაღლებით გაივსო ტყე. მივმართე პოლიციას

განცხადებით, იქ დღეს ფოტოებიც აღნიშნულ ფაქტზე. რეაგირება არ მოჰყოლია. მითხრეს, რომ ჯგუფია გამოყოფილი, მაგრამ რამდენიმე დღის წინაც იგივე განმეორდა, არც თოფის ხმარების უფლებას მაძლევენ, დაჯარიმდებიო, მეუბნებიან. არადა, ბევრი დამსვენებელია ჩამოსული, მათაც ეშინიათ, არ ვიცი როგორ მოვიქცე, მგელს ხომ არ შევაჭმევინებ თავს?!

26 მაისის ქუჩა, რომელიც ბაიანთხევის უბნადაა ცნობილი, დამსვენებელთა განსაკუთრებით დიდი რაოდენობითაა ცნობილი. უღამაზესი ფიჭვნარი მთელი საქართველოდან იზიდავს დამსვენებელთა ნაკადს და მართლაც საგანგაშოა, რომ მათთან სიახლოვეს ასეთი ფაქტები ხდება. დღემდე დაგვიფაროს რაიმე ფატალური შედეგისაგან, მაგრამ სასწრაფო რეაგირება რომაა საჭირო, ფაქტია. იმეღია, პოლიციის სამმართველოც და ბუნების დაცვის სამინისტროს შესაბამისი სამსახურიც კოორდინირებულად იმოქმედებენ, რომ ბაიანთხევის მცხოვრებთ თუ დამსვენებლებს ყოველგვარი საშიშროება მოეხსნათ.



-ფეხბურთი- მუნიციპალიტეტის ჩემპიონი „ბანკი იუნაიტედი“ გახდა

ერთი კვირა გრძელდებოდა მუნიციპალიტეტის ჩემპიონატი მინიფეხბურთში ორგანიზაციებს შორის, რომელიც გამგეობის ინიციატივით და გამგეობის კულტურისა და სპორტის

კი და მიკროსაფინანსო ორგანიზაცია „კრისტალი“. მანამდე კი მართლაც უშედეგო ბრძოლა იყო ჩემპიონობისათვის. ნახევარფინალში სასპორტო სკოლა – სალიანდაგო სამართველო და „ბანკი იუნაიტედი“ – რკინიგზის კავშირგაბმულობის სამართველო დაუპირისპირდნენ ერთმანეთს. პირველ წყვილში, უგოლო თამაშის შემდეგ, პენალტების სერიაში ფინალში მონაწილეობის უფლება სასპორტო სკოლას არგუნა. მეორეში კი ბანკების გაერთიანებამ საკმაოდ იოლად სძლია კავშირგაბმულობის გუნდს.



სამსახურის ორგანიზებით მიმდინარეობდა. სასიამოვნოა, რომ ტურნირს სპონსორიც გამოუჩნდა და სათამაშო ბიზნესის ცნობილმა წარმომადგენელმა – „ლიდერბომა“ ფეხბურთელები სპორტული მოსასხამებითა და ბურთებით მოამარაგა. მისივე დაწესებულები იყო თასი, რომელიც ბოლოს ღირსეული ჩემპიონს – ხაშურში მოქმედი ბანკების გაერთიანებულ გუნდს – „ბანკი იუნაიტედს“ გადაეცა. (საქართველოს ბანკი, ფინკა ბან-

ფინალურმა შეხვედრამ დიდი ინტერესი გამოიწვია და ამას გულშემატკივართა დიდი რაოდენობაც მოწმობს. უშედეგო ბრძოლა გარდამავალი უპირატესობით წარიმართა, მაგრამ სასურველი გოლის გატანა ვერცერთმა გუნდმა მოახერხა. პენალტების სერიაში კი ბრწყინვალე იყო ბანკების გაერთიანებული გუნდი და ჩემპიონობაც და „ლედერბომის“ თასიც ღირსეულად მოიპოვა.

გიორგი ბარბაქაძე - საერთაშორისო ტურნირის პრიზიორი

21 - დან 28 ივლისამდე, ბათუმში, დიდი საერთაშორისო ტურნირი გაიმართა ჭადრაკში ორი ასაკობრივი ჯგუფებისათვის – 8 და 14 წლამდე მოჭადრაკეები შვეიცარული სისტემით არკვევდნენ ჩემპიონის ვინაობას.



ტურნირში ჩვენი სასპორტო სკოლის აღსაზრდელებიც იღებდნენ მონაწილეობას. (მწვრთნელი ალექსანდრე ჭადაშვილი). მათგან საუკეთესო შედეგი 8 წლის გიორგი ბარბაქაძემ აჩვენა, რომელმაც მესამე საპრიზო ადგილი და ფულადი ჯილდოც დაიმსახურა. სხვათაშორის, რომ არა ბოლო ტურში დასახანი მარცხი, გიორგი ჩემპიონი გახდებოდა. თუმცა, ფაქტია, მის ასაკში ეს მიღწევა შესანიშნავია.

14 წლიანებში ჩვენმა წარგზავნილებში სიმონ ბუღაძემ და სანდრო ლიხელმა, შესაბამისად, V-VI ადგილები დაიკავეს. ასეთ წარმომადგენლობით ტურნირში, სადაც სხვადასხვა ქვეყნის ათეულობით მოჭადრაკე მონაწილეობდა, ეს შედეგიც საპატიოა.

ჩვენი მოჭადრაკეების ტურნირში მონაწილეობა ფინანსურად მთლიანად ხაშურის მუნიციპალიტეტის გამგეობამ უზრუნველყო.

მარიამ ლარიშვილი - ევროპის ჩემპიონატზე ფინალური შეხვედრის საუკეთესო მოთამაშე

კიდევ ერთი წარმატება ხაშურის სასპორტო სკოლის აღზრდილ მარიამ ლარიშვილისაგან (მწვრთნელები: ირაკლი ბითაძე და ავთანდილ ხვედელიძე)



სურათზე: მაღლა რიგში მარცხნიდან მესამე, რომელიც ასპარეზობს საქართველოს გოგონათა საკალათბურთო ნაკრები გუნდის შემადგენლობაში. მარიამ ლარიშვილმა ანდორაში ჩატარებულ 16 წლამდელთა ევროპის ჩემპიონატზე „ც“ ჯგუფში მოიპოვა ოქროს მედალი და დასახელდა ფინალური შეხვედრის საუკეთესო მოთამაშედ. ვულოცავთ მარიამს აღნიშნულ წარმატებას და ვუსურვებთ მომავალ ასპარეზობებში გამარჯვებებს.

-ჭიდაობა- დავით მეტრეველის სახელობის ტურნირი

24 ივლის, სოფელ ვაყაში ხაშურის მუნიციპალიტეტის სპორტის სამსახურისა და სასპორტო სკოლის ორგანიზებით გაიმართა დავით მეტრეველის სახელობის ტურნირი ქართულ ჭიდაობაში. ღონისძიებაში მონაწილეობას ღებულობდნენ: ხაშურის, ქარელის, გორის, საგარაჯოს, თელავის, ახმეტისა და თბილისის ტიტულოვანი სპორტსმენები. საპრიზო ადგილები შემდეგი თანმიმდევრობით გადანაწილდა:

- (გორი);
- II ადგილი - ნიკოლოზ მამულაშვილი (ხაშური);
- III ადგილი - გიორგი ქალდანი (თბილისი).
- 81კგ. I ადგილი - ლუკა მაისურაძე (ხაშური);
- II ადგილი - ზვიად კაპანაძე (გორი)
- III ადგილი - ზურა ლიქოკელი (თელავი).



- 60კგ - I ადგილი თემურ ნოზაძე (ხაშური);
- II ადგილი - ლაშა ჩადუნელი (ხაშური);
- III ადგილი - ვახტანგ მეტივიშვილი (ხაშური).
- 66კგ - I ადგილი ვანო მამისაშვილი (საგარეჯო)
- II ადგილი - გიორგი მეტრეველი (ხაშური);
- III ადგილი - ნიკოლოზ ჭიკაიძე (ახმეტა).
- 73კგ - I ადგილი - დავით კობაძე

- +81კგ I ადგილი - ვალერ პეპინაშვილი (თელავი);
- II ადგილი - ვახტანგ სარაჯიშვილი (თელავი);
- III ადგილი - ალექსი ზაალიშვილი (თელავი).

D წმინდა ნინოს ქუჩის უახლოესი მეზობლები თანაუგრძობენ აკაკი ინდუაშვილს მეუღლის მანანა ლობჯანიძის გარდაცვალების გამო და სამძიმარს უცხადებენ განსვენებულის ოჯახს.

საქართველოს რკინიგზის ხაშურის სალოკომოტივო დეპოს, საგაგონო დეპოს, უდელტეხილის სალიანდაგო სამმართველოს, კავშირგაბმულობისა და ენერგომომარაგების ადმინისტრაცია და თანამშრომლები, საქართველოს რკინიგზელთა პროფესიული კავშირი და მისი წევრები სამძიმარს უცხადებენ აკაკი ინდუაშვილს მეუღლის მანანა ლობჯანიძის გარდაცვალების გამო.

ა(ა)იპ ხაშურის მუნიციპალიტეტის გაზეთი „ხაშურის მოამბე“. დირექტორი გიორგი გოგალაძე, მისამართი: ხაშური, ტაბიძის ქუჩა №2. ტელეფონი: 24 30 27.
E-mail Khashurismoambe2015@gmail.com მიმღების დასახელება: ხაზინის ერთიანი ანგარიში, საიდენტიფიკაციო კოდი 443860984, სახელმწიფო ხაზინა TRESGE22, სახაზინო კოდი: 749547499.
D-ით მონიშნული სტატია იბეჭდება დაკვეთით გაზეთი იბეჭდება თბილისში. რედაქტორი რობერტ სუხიაშვილი.